

Berlumba buat maksiat

Pasangan warga asing serta tempatan buat perangai tak senonoh setiap kali cuti umum di Taman KLCC

>>Oleh Yusmawati Mhd Yusof
yusmawati@hmetro.com.my

KUALA LUMPUR: Tidak beradab! Itu gambaran yang boleh diberikan terhadap kelakuan warga asing di sekitar Taman KLCC apabila kebanyakan daripada mereka yang datang bersama pasangan masing-masing berkelakuan tidak sopan di hadapan khalayak.

Bukan hanya duduk berdua-duaan di lokasi agak terpencil daripada pandangan pengunjung lain, ada juga di antara mereka berpelukan dan bercumbu tanpa segan silu. Malah, tidak kurang juga yang lebih berani berkelakuan tidak sopan secara terang-terangan.

Pelbagai adegan dan kelakuan warga asing itu dapat dilihat setiap kali cuti umum apabila tempat tumpuan di



SELAMBA...pasangan tempatan bermesra tanpa segan silu. **TAK MALU...**pasangan warga asing berkasih

ibu kota antaranya di taman itu dipenuhi ratusan warga asing yang berkumpul dan melepak hingga menimbulkan keadaan kurang selesa kepada pelancong asing dan warga tempatan.

Tidak hanya membabitkan warga asing, tambah mema-

lukan tinjauan Harian Metro di taman itu mendapati warga tempatan terdiri daripada pasangan remaja juga tanpa rasa malu duduk berdua-duaan dan ada antaranya turut berpelukan.

Bagaimanapun, ada antara warga asing di taman itu ha-



nya beriadah dengan menghabiskan masa bersembang dan mengambil gambar kepangan serta membaca. Taman itu juga dikunjungi pelancong biarpun jumlahnya jauh lebih kecil daripada warga asing dan tempatan.

Malah, tinjauan juga men-

dapati ada sekumpulan wanita yang mendakwa diri mereka sebagai sukarelawan daripada sebuah pertubuhan bukan kerajaan (NGO) antarabangsa mendekati pengunjung untuk mendapatkan sumbangan membantu kanak-kanak.

Warga Bangladesh, Ajay Basu, 29, berkata cuti umum digunakan sepenuhnya untuk berkunjung ke bandar raya ini dengan melihat keindahan Taman KLCC dan Menara Berkembar Petronas bersama rakan senegara.

"Biarpun sudah empat tahun bekerja di Kajang, namun ini adalah kali pertama saya dan rakan-rakan berkunjung ke sini dan berkumpul sebegini, sedikit sebanyak dapat mengurangkan kerinduan terhadap keluarga di kampung.

"Malah, saya dapati suasana taman ini yang tenang di tengah-tengah Kuala Lumpur menarik minat orang ramai untuk berkunjung dan menghabiskan masa hujung minggu. Selain pemandangan menarik, persekitarannya juga bersih tidak seperti taman rekreasi lain," katanya.